

E yiu victima a bandona sala di Corte tur afecta

Tata ta admiti di a abusa diferente biaha di su propio yiu muhe adulto

ORANJESTAD – Ayera mainta a cuminsa cu tratamento di e caso penal contra e homber R., kende a abusa y haci actonan immoral cu su propio yiu muhe adulto.

El a admiti den Corte di a haci fout. Tambe a scucha e agente di KZP cu a traha proces-verbaal. Abogado mr. Duijneveld a cuestiona con el a traha e proces-verbaal. Tratamento di e caso na dado momento a keda posponi pa otro siman.

Tata ta abusa di yiu

Hues a puntra R. si ta berdad cu el a abusa di su yiu muhe. El a admiti y a bisa Hues cu esey a sosode den su pickup un biaha pero e no ta corda bon e aña. Segun e acusacion

ta entre 2011 y Februari 2014, R. lo a abusa y haci actonan immoral cu su yiu muhe hoben. Den sala di Corte tabata presente e señora di R., un yiu homber y e yiu muhe cu ta e victima. E señora di e sospechoso tabata cabes abao tur tristo y na dado momento ora cu R. a cuminsa conta kico tur el a haci, e señora a sali. E victima tambe tabata cabes abou ta scucha. R. a bisa Hues cu ora el a bay busca su yiu for di un club nocturno despues di 12or di madrugada e relacion a sosode. Segun R. e yiu a yama pa bay busca su persona. R. a bay busca e yiu y a core bay na un veld di bala cu ta keda na caminda pa cas. El a bisa cu el a pidi su yiu pa haci algo sexual pe. R. a bisa Hues cu e ta arepentí di a haci esey y cu e ta completamente

fout. El a splica cu el a pidi su yiu pa tene su parti intimo y chupa esey. E yiu a haci esey y segun R. e yiu no a bisa nada y no tabatin yoramento. E sospechoso a bisa cu e yiu a puntra si e ta desea pa e subi riba dje y esey a sosode tambe. Por a nota cu e yiu tabata sacudi cabes mustrandó cu loke e tata tabata papia no ta cuadra.

Yiu a bandona sala

Hues a remarca cu segun e proces-verbaal, e yiu a declara completamente otro. Segun e victima el a puntra su tata pakico nan a para na un veld. E ora ey R. a saca su parti intimo y pidi e yiu pa haci sex. E yiu no por a haci nada. E tata a baha su carson y ranca su panty. El a habri su pianan y e yiu tabata resisti pero e tata tabata kier penetra. Na

dado momento e tata a penetra su yiu. El a resisti pero e tata a logra viola e yiu. Segun Hues, for di esaki por comprende cu R. a forsa su yiu. R. a desmenti cu el a forsa su yiu. Hues a remarca kiermen e yiu ta gaña? Segun R. su yiu no a resisti. Hues a puntra si loke R. a haci ta contra e yiu su boluntad of no. R. a bisa cu e ta admiti cu e tabata fout. Ariba pregunta di Hues, R. a admiti di tabata mishi cu su yiu mas biaha. El a splica un ocasion caminda el a drenta den baño unda su yiu tabata baña y a mishi cu su parti intimo. E yiu e ora ey a bisa no y e ora ey R. a stop y sali for di baño. R. a bisa cu na cas diferente biaha e tabata mishi cu su yiu. Na dado momento e yiu a lanta para y sali for di sala. Ta bisto cu e no por

a soporta mas di scucha tur loke su tata ta declara. Den sala di Corte, e sospechoso a sigui bisa cu un biaha el a penetra su yiu cu su dede. R. a bisa cu cada biaha su yiu tabata bisa ta basta y R. tabata stop. Na opinion di Hues esey tabata un señal bon cla cu e no ta gusta. Hues a remarca cu si ta asina, ta straño cu e yiu ta bay ofrece R. pa subi riba dje manera R. a bisa anterior. R. tambe a admiti di a mishi cu su yiu riba cama. Na dado momento a yama e miembro di KZP pa scucha. E interrogacion a tuma su tempo y na dado momento Hues a dicidi di pospone e caso y otro siman esaki ta sigui. Otro siman lo haya sa kico ta e punto di bista di Fiscal. □